



## Universitätsbibliothek Paderborn

### **Instructio practica ...**

De Conversatione Apostolica - A Curatoribus Animarum piè & fructuosè instituenda ; Complectens varios & solidos modos juvandi & consolandi diversorum Statuum Personas afflictas, praecipuè aegras & captivas ...

**Lohner, Tobias**

**Dilingæ, 1680**

Admodvm Reverendo, Nobili, Et Clarissimo Domino Michaeli Ruepprecht  
SS. Theol. Et SS. Can. Doctori, Reverendissimi Ac Celsissimi ...

[urn:nbn:de:hbz:466:1-49274](https://nbn-resolving.org/urn:nbn:de:hbz:466:1-49274)

*ADMODVM REVERENDO,  
NOBILI, ET CLARISSIMO DOMINO*

**MICHAELI RUEPRECHT**  
SS. THEOL. ET SS. CAN. DOCTORI,  
REVERENDISSIMI AC CELSISSIMI  
PRINCIPIS AC EPISCOPI AUGUSTANI  
Conſiliario, nec non inclytæ Collgiatæ Eccleſiæ  
D. Petri Dilingæ Decano & Parocho, ac  
Ruralis Capituli Decano.

*ADMODVM REVERENDO, NOBILI  
ET CLARISSIMO DOMINO*

**GEORCIO LOHR,**  
SS. THEOLOGIÆ DOCTORI,  
PAROCHO ET DECANO  
LAVINGANO.

*ADMODVM REVERENDO, NOBILI,  
ET CLARISSIMO DOMINO*

**JOANNI CASIMIRO RÖLS,**  
SS. THEOL. DOCTORI, PAROCHO  
ET DECANO DONAWERDANO.

*Admodum Reverendo, & Spectatiſſimo Domino*

**M. GEORGIO BAURSCHMID, PA-  
ROCHO ET DECANO HÖCHSTADIANO.**

*Admodum Reverendo Prænobili & Spectatiſſimo D.*

**ALBANO ONUPHRIO SINGHERR**  
DE SINGHERN, PAROCHO HOLZ-  
HEMENSI, ET DECANO WERTTINGANO.

*Dominis meis Colendiſſimis & Obſervandiſſimis.*

**I**nter laudabiles, quas Magistri in tradendis Artibus suis adhibere consueverunt, industrias, ea semper non postrema mihi est visa, quâ traditas à se regulas, ut altiùs mentibus Discipulorum imprimant, exemplis ad earum amissim peritissimè fabricatis conantur illustrare, non ignari videlicet, validiora esse exempla, quàm verba, & plenius, efficaciusque opere doceri, quàm voce, cum non difficile æstimetur, quod jam factum conspicitur, ut sapienter Sanctissimus Præsul Ambrosius advertit. Atque hæc nempe ( ut plures alias, ac privatas rationes præteream ) præcipuè causa me impulit, ut libellum hunc, saluberrimas de modo fructuosè cum Proximo conversandi doctrinas complectentem, sub Vestris potius, quàm alterius cujusquam auspicijs in lucem prodire, typisque mandari voluerim. Cum enim easdem doctrinas, non nudè duntaxat simpliciterque propositas, verùm etiam in vivo quodam ac genuino exemplari dilucidè expressas proponere cuperem, in meipso verò velut Discipulo ejusmodi ideas non invenirem, hoc unum supererat, ut easdem à veteranis quibusdam, atque in hac ipsa Arte exercitatissimis Magistris emendicaret: nec verò ijdem diu mihi

quæ-

## DEDICATORIA.

quærendi fuerunt; nam dum Zelum, dexteritatemque vestram in instruendis, animandis, consolandis, & curandis ovibus vestris planè singularem, quam ob longam vobiscum consuetudinem intimè perspectam habeo, animo repetere, usque adeò doctrinas, quas in præsentem libellum ex variorum Authorum libris, instructionibusque selectas congeffi, ad vivum expressas & adumbratas reperi, ut meritò DD. VV. velut pulcherrimas Artis hujus Ideas fronti ejusdem præfigere, illaque sacræ paginæ verba: *Aspice, & fac secundum Exemplar, quod tibi monstratum est*: subjungere me posse existimarem. Patiamini ergo, Viri Clarissimi & Honoratissimi, ut memorata Vestra in Proximis juvandis, consolandisque dexteritas, charitatisque, quàm hætenus non nisi propriæ Vestræ, eaque paucæ expertæ sunt oviculæ, deinceps per libellum hunc pluribus proposita ac deprædicata, in plurium quoque solatium cedat ac emolumentum. Hanc unicum sanè exhibiti per has paginas honori Vestro, nominique dedicatas obsequij vicissitudinem expeto, & exspecto, ut & tenue hoc mei erga Vos affectûs & observantiæ argumentum benevolo, ut offertur, animè accipiatis, & doctrinarum à me in libello isto traditarum usum, praximque sedulam, quam

*EPIST. DEDICAT.*

ipfi hætenus tanto multorum solatio, fructuque  
constanter tenuistis, etiam subjectis Vestris Sa-  
cerdotibus autoritate Vestra atque exemplo, si  
videbitur, commendetis; quod quidem tantò  
audaciùs à Vobis peto, quantò meliorem hæc ra-  
tione Vobis occasionem offerri video, ut, quos  
Zelosis Vestris adhortationibus, exemplisque  
præclaris præsentibus semper instruere, animarè-  
que pro voto non potestis, per doctrinas hæc, re-  
gulatque, velut effigiem Vestram in libello  
hoc clarissimè expressam, absentes erudiatis, &  
excitetis. Interea, ut DEVS Ter Optimus DD.  
VV. in suam majorem Gloriam, in insigne Ec-  
clesiæ Catholicæ incrementum, & Ovium sua-  
rum optatissimum solatium diu sospites & inco-  
lumes conservare, & manipulorum tam spiri-  
tualium, quàm temporalium copioso proven-  
tu benedicere ac recreare dignetur, ex animo  
voveo, precorque. Dilingæ Calendis Februa-  
rij, Anno M. DC. LXVII.

DD. VV.

*Infirmus in Christo, &  
addictissimus servus*

TOBIAS LOHNER S. J.